

Ս. Հ. ԴԵՎԵՋՅԱՆ

ՏԱՇԻՐ-ՁՈՐԱԳԵՏԻ ՈՒՇ ԲՐՈՆԶԵԴԱՐՅԱՆ ՄԵՏԱՂԱԳՈՐԾՈՒԹՅԱՆ
ՄԻ ՔԱՆԻ ՀԱՐՑԵՐ

Հայկական բարձրավանդակը հնագույն ժամանակներից համարվել է մետաղագործական կենտրոն, որի ընդերքի հարստություններից օգտվել են Հին Արևելքի պետությունները, ինչպես նաև հունական գաղութներն անտիկ ժամանակներում: Այստեղ բնակվող հնագույն մետաղագործ ցեղերի մասին հիշատակություններ կան Աստվածաշնչում¹, հույն պատմիչների երկերում (Հոմերոս, Ստրաբոն)², ասորեստանյան տարեգրություններում³ և այլն: Պղնձի հանքերով և մետաղե իրերի արտադրությամբ հնագույն ժամանակներից աչքի են ընկել Ճորոխի հովիտը, նրանից հարավ՝ Արղանա-Մադենը (Դիարբեքի շրջան), Սասունի լեռները, Զուլամերկի լեռները, Զանգեզուրը, Ղարաբաղը, Գանձակն ու Տաշիր-Ձորագետը:

Վերջինս աչքի է ընկնում Ալավերդու և Շամլուղի հարուստ հանքավայրերով, ինչպես նաև քսանհինգ և ավելի մեծ ու փոքր հանքերակներով⁴, որոնցից շատերը շահագործվել են դեռևս մետաղագործության արշալույսին:

Պետք է նշել, որ թեև Տաշիր-Ձորագետի շրջանի մ. թ. ա. 3-րդ և 2-րդ հազարամյակների հուշարձանները համարյա չեն ուսումնասիրված, սակայն այստեղ հայտնաբերվել են վաղ բրոնզե ժամանակաշրջանի պղնձե կտցավոր կացին (Ալավերդի, 3-րդ հազարամյակի վերջ մ. թ. ա.), բրոնզե խողովակակոթակացին (Լորուտ), որոնք բնորոշ են 3-րդ հազարամյակի 2-րդ կեսի համար, բրոնզե սուսերներ (Ղաչաղան, Ձորագէս), բնորոշ 2-րդ հազարամյակի 1-ին կեսի վերջի համար, պղնձե հնադարյան տեգի ծայր (Կիրովական, 3-րդ հազարամյակի կես)⁵: Սրանք դիտվում են իբրև զարգացած բրոնզե ժամանակաշրջանի առանձին առարկաների նախատիպեր: Այս առումով աչքի է ընկնում Կիրովականի ցեղային առաջնորդի միջին բրոնզեդարյան հարուստ դամբարանի կացինը, որին նման են Շամշադինի շրջանի նավուր գյուղից հայտնաբերված սակրի երկու նախատիպերը: Սրանք ունեն ձվաձև կոթառի անցք, մեկ կողմից ներձկված իրան, մյուս կողմից սապատավոր բարակ երիզ, իսկ աշխա-

¹ Աստվածաշնչը, Կոնստանդնուպոլիս, 1895, գլ. 27 (13):

² Հոմերոս, Իլիական, Վենետիկ, 1911, 2-րդ գլ., էջ 79, Ստրաբոն, քաղեց և թարգմանեց 2. Աճառյան, Երևան, 1940, էջ 83—85:

³ Н. Б. Я н к о в с к а я, Некоторые вопросы экономики ассирийской державы, ВДИ, 1956, № 1.

⁴ «Ազգագրական հանդես», 7-րդ և 8-րդ գրքեր, 1901, Թիֆլիս, էջ 291:

⁵ А. А. М а р т и р о с я н, Армения в эпоху бронзы и раннего железа, Ереван, 1964, стр. 30—32, 40, 70—71.

տոնքային մասը թեքված է դեպի ներձկված կողմը: Այս երկու օրինակները իրարից տարբերվում են աշխատանքային սայրի լայնությամբ:

Ինչ վերաբերվում է Կիրովականի XV դ. մ. թ. ա. հարուստ դամբարանա-րլրի սակրի նախատիպին, ապա այն ընդհուպ մոտենում է կուկասյան սա-կրին, պահպանելով մի կողմի սալատալոր մասը, սակայն փոքրացրած, ի հաշիվ աշխատանքային սայրի զգալի մեծացման ու կլորացման: Կոթառի անց-քը նույնպես ձվաձև է և գտնվում է մի կողքի վրա, այնպես, որ եթե այս կացնի ճիշտ կենտրոնից տանելու լինենք ուղղահայաց մի գիծ, նրա աջ կողմը համա-րելով ընդհանուր երկու կողմերի համար, ապա կստանանք լիարժեք սակր:

Չանդրադառնալով Տաշիր-Ձորագետի վաղ շրջանի մետաղագործությա-նը և կանգ առնելով միայն սակրերի արտադրության վրա, տեսնենք, թե ինչ դեր է խաղացել Ալավերդու մետաղագործական օջախը զարգացած բրոնզե ժամանակաշրջանում:

Անդրկուկասում բրոնզե սակրերը հանդես են գալիս զարգացած բրոնզե ժամանակաշրջանում, որոնք իրենց նախնական ձևերն ունենալուց հետո ստա-նում են որոշակի կերպարանք, ապրում մի քանի դար շարունակ և վերջապես անհետանում, տնտեսության մեջ երկաթե կացինների մուտք գործելու հետ միաժամանակ: Որոշակի ձև ունեցող բրոնզե կացինները, որոնք հնագիտական գրականության մեջ սակր են կոչվում, մեծ քանակությամբ հայտնաբերվել են Հայկական լեռնաշխարհի հյուսիսային մասերի հնավայրերից: Բաղմավաստակ գիտնական Ա. Ա. Իեսսենը 1934 թ. կազմել է սակրերի տարածման քարտե-զը⁶, որտեղից երևում է, որ դրանք տարածվում են հյուսիս-արևմուտքից՝ Սվա-նեթիա, հարավ-արևմուտքից՝ Մերս, հյուսիս-արևելքից՝ Լազոդեխի և հարավ-արևելքից՝ Արջաձոր հնավայրերի միջև ընկած տարածությունում: Արևելքում սակրերի տարածման ամենածայրամասային կետը՝ Վարդաշենն է: 1934 թ. տվյալներով Հայկական լեռնաշխարհում սակրերի թիվը 47 է, ձուլման կա-ղապարները 2-ն են (Գեորգիեսֆելդ՝ Շամքորի շրջան և Լենինական): Այժմ սակրերի և կաղապարների թիվը կրկնապատկված է, սակայն նրանց տարած-ման սահմանները մնում են անփոփոխ: Սա մի հանգամանք է, որը խոսում է այն մասին, թե սակրերի մասսայական արտադրությունն ու օգտագործումը բնորոշ է եղել միայն աշխարհագրական այս շրջանի համար, որտեղ բնակվել են իրար հետ սերտ հարաբերությունների մեջ գտնվող և իրենց զարգացման մակարդակով միևնույն աստիճանի վրա կանգնած ցեղախմբեր:

Աշխարհագրական մի ամբողջություն կազմող և պղնձի հանքերով հա-րուստ Տաշիր-Ձորագետի շրջանում, մինչև այժմ հայտնաբերվել է ընդամենը 21 սակր (Ախթալայից 8, Ալավերդուց 6, Կիրովականից 3, Ակներից 2, Ստե-փանավանից 1, Լորուտից 1), որոնք, ըստ իրենց արտաքին նմանությունների կարելի է բաժանել առանձին խմբերի կամ տարբերակների: Տարբերակների բաժանման գործում հիմք ենք ընդունել Հ. Ա. Մարտիրոսյանի կողմից Ախթա-լայի սակրերի դասակարգումը⁸:

⁶ А. А. Иессен, Из истории древней металлургии Кавказа, Изв. ГАНМК, вып. 120, 1935. էջ 152—153, քարտեզ 5:

⁷ А. А. Мартиросян, О древнем поселении около Ленинанкана, ԳԱ Տեղեկագիր, 1952, № 10:

⁸ А. А. Мартиросян, Армения в эпоху..., էջ 116:

Պետք է նշել, որ նույնիսկ միևնույն տարբերակի մեջ մտնող սակրերից և ու մեկը մյուսին այնպես նման չէ, որ հնարավոր լինի ասել, թե նրանք միևնույն կաղապարի արտադրանք են։ Միշտ մեկը մյուսից տարբերվում է որևէ մանրամասով, որն ի դեպ, լսալսույց է լայն արտադրության, որտեղ օգտագործվել են բազմազան ձևեր և օրինակներ։

Առաջին տարբերակն են կազմում այն սակրերը, որոնք կոթառի ծայրերին և կենտրոնում բարձրադիր երիզներ ունեն, վերևի մասը հարթ է, որոշ դեպքերում այդ մասերում թեթևակի փոսիկներ կան։ Դրանցից են. երկու սակր Ախթալայի գանձից (ՊՊԹ № 2089/3, աղ. 1, նկ. 1)⁹ և Ալավերդուց մեկ սակր։

Երկրորդ տարբերակն են կազմում Ախթալայի գանձից հայտնաբերված երեք (ՊՊԹ № 2089/3, աղ. 1, նկ. 2) և Ալավերդուց մեկ սակր (ՊՊԹ 759/4), որոնց կոթառի բարձրադիր եզրերը շարունակվում են նաև նրա վերևի մասում, կենտրոնում ունեն բարձրադիր եռանկյունի, կոթառի վերևում՝ կոճակ։ Ախթալայի գանձի երկու սակրերը կոթառի հիմքում կրում են հորիզոնական ուղղությամբ արված փորագիր եղևնաձև զարդեր։

Երրորդ տարբերակին են պատկանում Անդրկովկասում այնքան տարածված սակրերը, որոնք կոթառի եզրերին ունեն խիստ ընդգծված բարձրադիր երիզներ, կենտրոնում նույնպես բարձր երիզ, վերևում կոճակով։ Դրանք են. չորս սակր Ախթալայից, որից երեքը գանձից (2-ի վրա գծային զարդեր կան), իսկ մեկը՝ պատահաբար, հայտնաբերվել է վերջերս¹⁰։ Երկու սակր Կիրովականի Դիմաց թաղամասից¹¹, երեքը Ալավերդուց (ՊՊԹ № 759/2, աղ. 1, նկ. 3), մեկը Ակների (Ոռնակ) № 16 դամբարանից (Թաքայաշվիլու պեղումներ)¹² և մեկը Ստեփանավանի դամբարանից։

Այս երեք տարբերակներն ընդհանուր են Հայաստանի մյուս շրջանների համար ևս, սակայն Հայաստանում հայտնաբերվել են նաև այլ տիպի սակրեր, որոնք կազմում են առանձին տարբերակներ, բայց դեռևս չեն հայտնաբերված Տաշիր-Չորագետի շրջանում։ Դրանք են՝

Առաջին տարբերակ. սակրեր, որոնք կոթառի վերևում թամբաձև բարձրությամբ ունեն։ Դրանցից է Նոյեմբերյան գյուղից վերջերս հայտնաբերված սակրը (աղ. 1, նկ. 4)¹³։

Երկրորդ տարբերակ. սակրեր, որոնց կոթառը քառակող է, պարզ, առանց բարձրադիր երիզների, կոթառի վերևում կոճակով։ Օրինակ՝ Արթիկի (ՊՊԹ № 2173/608, աղ. 1, նկ. 5) սակրը։

Երրորդ տարբերակ. սակրեր, որոնց կոթառը զուրկ է որևէ ավելորդ մանրամասից, բոլորովին պարզ է։ Օրինակ՝ Լճաշենի սակրը (ՊՊԹ 2007/121, աղ. 1, նկ. 6)։

Այս տարբերակներից առաջին 4-ը ժամանակագրական տեսակետից կարելի է համարել միջին խմբի սակրեր (XII—XI դդ. մ. թ. ա.), իսկ վերջին երկուսը՝ վաղ խմբի (XIV—XIII դդ. մ. թ. ա.)¹⁴։

⁹ ՊՊԹ՝ Հայաստանի պետական պատմական թանգարան։









¹⁰ Այս սակրը հրատարակված չէ և պահվում է Թումանյան բանավանի միջնակարգ դպրոցին կից կազմակերպված թանգարանում։

¹¹ Սրանք պահվում են Կիրովականի զավառագիտական թանգարանում։

¹² Պահվում է Լենինգրադի էրմիտաժի ֆոնդերում։




¹³ Հրատարակվում է առաջին անգամ։

¹⁴ А. А. Мартыросян, նշված աշխ., էջ 102։



2 0 10

Աղյուսակ 1



2 0 10

Աղյուսակ 2

Վերոհիշյալ վեց տարբերակների մեջ մտնող բոլոր սակրերն իրենց կառուցվածքով մի ընդհանրություն են կազմում: Սակայն Հայկական լեռնաշխարհում հայտնաբերված են նաև մի քանի այլ սակրեր, որոնք նման չեն միմյանց և ոչ էլ վերևի տարբերակներից որևէ մեկին: Սրանք առայժմ առանձին օրինակներ են և իրենց համանմանները չունեն Հայաստանի նյութերում: Դրանք են.

ա) Լճաշենի փոքրիկ սակրը (ՊՊԹ 2009/228, աղ. 2, նկ. 1), որն ունի կոորաշխատանքային մաս, կոթառը նեղ է, վրան 6 սեպածե ցցվածքներով:

բ) Իջևանի սակրը (աղ. 2, նկ. 2) փոքրիկ է, աշխատանքային մասը կարճ, կոթառի անցքը կոոր, որի վրա տարածվում է երկու կողմից թևիկներ, կոթառի զլխին բարձրադիր կոճակով:

գ) Փոքրիկ անհամաչափ սակրը՝ Արթիկից (ՊՊԹ 2173/21, աղ. 2, նկ. 3). կոթառի վերևում լայնությամբ անցնող բարձրադիր մասով, զուրկ է եղրերի երիզներից, աշխատանքային մասի ծայրերը խիստ իջած են և սայրը փոքրացած:

դ) Արթիկի դամբարաններից հայտնաբերված երկարավուն սակրը (ՊՊԹ N° 2208/173, աղ. 2, նկ. 4) կոթառի վրա բարձր կոճակով, վիզը նեղ և աշխատանքային սայրի ծայրերը դարձված դեպի ետ, որը միանում է վիզին: Կոթառի անցքը ձվաձև է, երկու կողմերում ունի բրոնզյա մասեր, որոնց մեջ մտնում է փայտե կոթը: Սրանց վրա կան եռանկյունաձև կարված դարդեր և կեռ խաչ:

ե) Արթիկից է նաև այն սակրը (ՊՊԹ 2208/82, աղ. 2, նկ. 5), որն ունի ձվաձև կոթառի անցք, վրան 3 բարձրադիր կոճակներով, մակերևսին եռանկյունաձև կտրվածքներ և ուղղահայաց դարդեր, որից ցած անմիջապես սկսվում է բոլորովին կոոր իրանը, վերին մասում երկու անցքներով:

զ) Ելենենդորֆի N° 1 դամբարաններում հայտնաբերված երկկողմանի սակրը, կոոր աշխատանքային բերաններով, կոթառի անցքը՝ ձվաձև (աղ. 2, նկ. 6):

Այս եզակի սակրերը¹⁵, որոնց մեծ մասն իրենց համանմաններն ունեն, սակայն ոչ ճշգրիտ նմանությամբ, Միջագետքի երկրներում, Ասորիքում, Պաղեստինում, Եգիպտոսում՝ վկայում է, որ Հայկական լեռնաշխարհի հյուսիսային շրջանները միջին և ուշ բրոնզե ժամանակաշրջաններում ոչ միայն կտրված չեն եղել Հին Արևելյան դարգացած երկրների մշակույթից, այլև փոխանակային կապերի միջոցով կարողացել են ճանաչել այդ երկրների նյութական մշակույթի և արվեստի առարկաները, ստեղծագործաբար՝ վերարտադրելով դրանք տեղում:

Հայկական լեռնաշխարհում այնքան տարածված տարբեր տիպերի սակրերը, նախ և առաջ զործածվել են որպես զենք¹⁶: Ուսումնասիրելով այն դամբարանները, որտեղից հայտնաբերված են սակրեր, կարելի է նկատել, որ նրանք մեծ մասամբ հանդես են գալիս այլ զենքերի և կամ աշխատանքային զործիքների հետ համատեղ:

Ռազմիկների դամբարաններում սակրերը մեծ մասամբ տեղավորված են լինում ննջեցյալի աջ ուսի մոտ, կարծես հարվածելու պատրաստ դիրքով: Այդ-

¹⁵ А. А. Мартиросян, *նշվ. աշխ.*, էջ 71—73, Հ. 2. Մ ն ա ց ա կ ա ն յ ա ն, Լճաշենի մշակույթի դարգացման հիմնական էտապները, «Պատմա-բանասիրական հանդես», 1965, № 2, աղ. 1, նկ. 16, Т. С. Хачатрян, Материльная культура Древнего Артика, Ереван, 1963, էջ 55—57, Я. И. Гумель, Погребальный курган (№ 1) около Еленендорфа, изд. АзГПИИ, Баку, 1931, стр. 33, табл. V, эксп. 16.

¹⁶ С. А. Есаян, Оружие и военное дело Древней Армении, Ереван, 1966.

պիսին է օրինակ Ստեփանավանի մոտակայքի № 2 դամբարանը¹⁷, որտեղ հայտնաբերված սակրն ունի բավական անաղարտ տեսք, պատկանում է երրորդ տարրերակի սակրերին, կոթառի հիմքում ունի զծային նուրբ զարգեր: Նշելով դամբարանում հայտնաբերված նաև 6 նետասլաքներից, դամբարանը կարելի է թվագրել մ. թ. ա. 2-րդ հազ. վերջով: Նույնը կարելի է ասել Ռեսլերի կողմից 1893—1894 թթ. պեղված Արջաձորի № 1 հարուստ դամբարանաբլրի մասին, որտեղ թաղված է եղել տեղաբնիկ ցեղի ռազմական առաջնորդը իր երեք թիկնապահ հեծյալների հետ: Այստեղ հայտնաբերված բազմաթիվ հարուստ պեղքերի ու ոսկե և այլ զարդերի հետ միաժամանակ հայտնաբերվել է նաև 1 սակր, առաջնորդի կողքին, որն անկասկած առաջնորդի ռազմական հանդերձի մի անփոխարինելի մասը պետք է կազմեր¹⁸:

Սակրի կարևոր դերը լինելու հանդամանքն իր մարմնավորումն է գտել պատերազմի և ամպրոպի աստված Թեշուրի բարձրաքանդակում (Խատուշայի դռների վրա)¹⁹, որտեղ խեթերի գլխավոր աստվածը, ամբողջովին ռազմական հանդերձներով, սաղավարտով, դաշույնով, ձեռքին բռնել է ելուստավոր կոթառով ռազմական սակրը, որը կարծես ինքնին խորհրդանշանն է պատերազմի և հաղթության:

Թեշուրի ելուստավոր սակրին նման է Լճաշենի № 5 դամբարանաբլրի, սայլի առեղների ուրանքում հայտնաբերված ելուստավոր փոքրիկ սակրը, բրոնզե հրկար սրերի ուղեկցությամբ: Նման ելուստավոր սակր (5 ելուստներով), 7 բրոնզե նիզակի և 3 նետասլաքների հետ միասին հայտնաբերված է Ռեսլերի կողմից Նիզավետպոլի մոտ № 4 դամբարանից (Կիրովաբադի շրջան)²⁰: Մի այլ ելուստավոր կացին գտնված է Գանձակ գետի մոտ, Նարիմանովի կողմից. ինչպես նաև երկուսը Խանլարի ծայրամասերից²¹: Վերջապես, 1936 թ. Կարմիր բլուրում հայտնաբերված սակրի կաղապարը (XIII—XII դդ. մ. թ. ա.), որը ու միայն վկայում է ելուստավոր սակրի մի այլ օրինակի գոյությունը, այլև այն, որ նրանք եղել են Հայկական լեռնաշխարհի արտադրանք: Կարմիր բլուրի միջնաբերդից հայտնաբերված Թեյշերա աստծու արձանիկի ձեռքին նույնպես կացին կա:

Հավանաբար պատերազմի աստվածության հետ կապված և սրբազան ու կարևոր դերը լինելու հանդամանքն է, որ հասցրել է սակրը որպես թալիսման-զարդ կրելու գաղափարին, ըստ երևույթին, դա պետք է իր կրողին փորձանքից հեռու պահեր և ֆիզիկական առավելություններ պարզեեր թշնամու նկատմամբ: Բրոնզից և շաղախից պատրաստված այդպիսի սակրաձև զարդեր և շքասեղներ են հայտնաբերվել Լճաշենից, Ղարաբադից, Աղաբեթից, Մինգեչաուրից, Ծալկայից և այլ հնավայրերից²²: Հայկական լեռնաշխարհում այնքան

17 М. А. Сагатов, Археологические находки в урочище Джелал-Оглы. Изв. КОМ арх. общ., вып. I, Тифлис, 1904, էջ 50—55:

18 К. Х. Кушнарева, Некоторые памятники эпохи поздней бронзы в Нагорном Карабахе, СА, XXVII, 1957, էջ 137—140, 153—154, նկ. 2-ի 13-ը:

19 Н. А. Флинтнер, Культура и искусство Двуречья, էջ 226:

20 ИАК, вып. 12, էջ 52, նկ. 14:

21 К. Х. Кушнарева, *Նշված աշխ.*, էջ 156:

22 Խ. Լալայան, Դամբարանների պեղումները Խորհրդային Հայաստանում, էջ 192, նկ. 188, ИАК, вып. 12, էջ 58, նկ. 19, Б. А. Куфтин, Археологическая маршрутная экспедиция 1945 г. в Юго-Осетию и Имеретию, Тбилиси, 1949, табл. XVI, նույնի, Археологические раскопки в Тrialeti, Тбил., 1941, էջ 77, նկ. 87, 1, Асланов, Вандов, Ионе. Древний Мингечаур. 1959, табл. XIX, նկ. 1, 5, 6, 12, 29:

տարածված նրբագեղ զարդերով ու պատկերներով պատած բրոնզե գոտիները, որոնց նյութերը նախնադարյան պաշտամունքային տեսարաններ են, իրենց մյուս զարդերի կողքին ունեն սակրաձև մարմիններ, որ նույնպես նրա պաշտամունքային լինելու հանգամանքն է ցույց տալիս: Հավանական է, որ Հայաստանի տարբեր շրջաններից հայտնաբերված, վերևում հիշատակված եզակի, շքեղ սակրերը հանդիսացել են ցեղային ռազմիկ առաջնորդի ուժի և իշխանության խորհրդանշանը: Բացի կոթառի ձևերից, խիստ կարևոր են և մեծ հետաքրքրություն են ներկայացնում սակրերի աշխատանքային մասերը, որոնց ուսումնասիրության միջոցով միայն հնարավոր կլինե՞ր գաղափար կազմել նրանց գործածության, դերի և նշանակության մասին:

Ակնհայտ է, որ սակրերն ուշ բրոնզեդարյան ժամանակաշրջանում ոչ միայն որպես զենք են օգտագործվել, այլև իբրև կացին — գործիք և խիստ անհրաժեշտ են եղել փայտամշակման գործում: Այն սակրերը, որոնք օգտագործվել են որպես գործիք, դամբարաններում մեծ մասամբ ուղեկցվում են այլ գործիքների հետ (դուր, տափակ կացին և այլն) և հաճախ իրենց վրա կրում են աշխատանքի հետքերը (Իջևան, Լճաշեն, Թաթիա), ըստ որում, երբեմն կոթառի ու սայրի կողմից միաժամանակ (Վարդաբար)²³:

Ուշագիտ դիտելով սակրերի աշխատանքային բերանները, անկախ նրանց կոթառի կառուցվածքից ու մեծությունից, կարելի է նկատել, որ նրանք բաժանվում են հիմնականում երեք խմբի.

Առաջին խմբի մեջ են մտնում այն սակրերը, որոնց աշխատանքային բերանները լայն են, կիսաշրջանաձև, տարածված են երկու կողմերի վրա, եզրերը ցածր են և կազմում են սուր անկյուններ: Սրանց աշխատանքային սայրերը մեծ ընդգրկում ունեն, ինչպես, օրինակ, Ախթալայի գանձից մի քանի սակրեր (ՊՊԹ № 2089/3, աղ. 1, նկ. 7):

Երկրորդ խմբին են պատկանում այն սակրերը, որոնց աշխատանքային իրանները նեղ են, երկարավուն, երկու ծայրերը սեղմված թևերի պես բարձրանում են վերև, հասնելով կոթառի անցքին: Սրանց աշխատանքային սայրը նեղ է և փոքր ընդգրկում ունի: Օրինակ՝ Ալավերդու սակրը (ՊՊԹ 759/4, աղ. 1, նկ. 8):

Երրորդ խմբի աշխատանքային իրանները կարծես առաջին և երկրորդ խմբերի համադրումն են, ունեն առաջինի լայն աշխատանքային սայրերն ու երկրորդի կլորացող ու դեպի վերև բարձրացող ծայրերը: Այս խմբի սակրերի աշխատանքային սայրերը նույնպես մեծ ընդգրկում ունեն, աննշան չափերով զիջելով առաջինին, օրինակ՝ Ախթալայի գանձի մի սակրը (ՊՊԹ № 2089/3, աղ. 1, նկ. 9): Այս տիպի սակրերն ավելի բազմաթիվ են Հայաստանի հնագիտական նյութերում:

Սակրերի աշխատանքային մասերի այս բաժանումը երեք խմբի, ընդհանուր է նաև Հայաստանի բազմազան հնավայրերից հայտնաբերված բոլոր սակրերի համար, և՛ մեծ հաշվի չառնենք այն եզակի օրինակները, որոնց մասին խոսվեց վերևում: Իվում է, որ աշխատանքային սայրի տարբեր ձևերը ինքնա-

²³ А. А. Мартиросян, Т. С. Хачатрян, Комплекс изделий из могильника Такиа, ԳԱ «Տեղեկագիր», 1959, № 11, Т. С. Хачатрян, Комплекс бронзовых предметов из с. Вардакар, ԳԱ «Տեղեկագիր», 1961, № 3.

նպատակ չեն, այլ ընդհակառակը, հարմարեցված են ծառայեցնելու որոշակի աշխատանքային նպատակի: Կարելի է ենթադրել, որ լայն բերանով կացինները, որոնք կարող են ընդգրկել համեմատաբար լայն աշխատանքային տեղամաս, օգտագործվել են ծառ կտրելու և մանավանդ գերաններ տաշելու և տախտակ դարձնելու համար (1-ին և 3-րդ խմբեր): Ավելի նեղ բերանով սակրերը (2-րդ խումբ) հավանաբար օգտագործվել են փայտ ճեղքելու համար, քանի որ նրանց նեղ բերանները ավելի հարմար են հարվածը ուժեղացնելու և կենտրոնացնելու համար մեկ կետի վրա: Վերևում հիշատակված Վարդաքարի սակրը հավանաբար փայտ կտրելու է ծառայել, քանի որ կոթառի կոճականման ելուստը տափակած է, կոթառի կողմով ևս հարվածելու հետևանքով:

Ինչպես տեսանք, Հայկական լեռնաշխարհում այնքան տարածված բալամթիվ և բազմապիսի սակրերը, առանձին օրինակներով ներթափանցել են հյուսիս, հասնելով մինչև Կովկասյան գլխավոր լեռնաշղթան (Սվանեթիա, Լազոդեխի) և ավելի հարավ՝ Ցխինվալի (Հարավային Օսեթիա), որտեղից հայտնաբերված է նաև սակրի ձուլման քարե կաղապար²⁴: Կաղապարներ հայտնաբերվել են նաև Շամքորում, Երևանում և Լենինականում, որոնք (բացի Շամքորից) գտնվում են մետաղամշակության կենտրոններից հեռու վայրերում: Ի միջի այլոց, մետաղաձուլական առաջին կաղապարները ևս Հայաստանում հայտնաբերվել են հանքավայրերից հեռու (Շենգավիթ, Գառնի)²⁵: Այս հանգամանքը ցույց է տալիս, որ մետաղաձուլությունը կատարվել է ոչ միայն հումքին մոտիկ օջախներում, այլև մետաղի հումքը արտահանվել է տարբեր վայրեր և ապա ձուլվել:

Կովկասյան սակրերը, որոնք երևան են գալիս գանձերում և դամբարաններում, իրենց տարածման շրջանակով բռնում են ամբողջ Անդրկովկասի կենտրոնական լեռնային շրջանները, իսկ արևելյան ու արևմտյան դաշտավայրերը զուրկ են դրանցից: Բուն հայկական բարձրավանդակում նրանք ունեն ավելի խոշոր չափեր, արևելքում ուղեկցում են ավելի փոքրիկ ձևերին, իսկ արևմտյան սահմանագծում՝ արևելյան Վրաստանում նկատվում է կոլխիդյան ու կոբանյան տիպերի հետ համատեղություն, երբեմն նույնիսկ այս երկուսի համաձուլումներ²⁶: Կացինների այս երկու շատ տարածված ձևերի փոխադրեցության հետևանքով, ուշ բրոնզեդարում առաջացած հիբրիդային ձևերը կարելի է տեսնել Ռաշա—Բորժոմ—Ախալցխա գծի վրա, որը կարծես բնական սահման է ստեղծում շրջանցելով Կոլխիդայի դաշտավայրը և բարձրանալով Կուրի հոսանքով: Սրանք կոբանյան տիպերից անցում են կատարում դեպի անդրկովկասյան սակրը, կոթառի և աշխատանքային մասի սիմետրիկ ձևերով, մանավանդ Չոբիսխեվի (Ախալցխա) սակրը, որը մի կողմից հիշեցնում է Արթիկի ելակի սակրը (ՊՊԹ № 2173/21), մյուս կողմից՝ Ջանգեղուրում հայտնաբեր-

24 Ф. Тавадзе и Т. Сакварелидзе, Бронзы Древней Грузии, Тбилиси, 1959, табл. XXXI.

25 А. А. Мартиросян, К предыстории древнейших этапов культуры Армении, «Պատմա-բանասիրական հանդես», 1960, № 1, է. Վ. Խ ա ն դ ա դ յ ա ն, Մետաղաձուլության առաջին փաստերը Հայկական լեռնաշխարհում հնագույն բրոնզի դարաշրջանում: «Պատմա-բանասիրական հանդես», 1963, № 3, էջ 297:

26 Т. Н. Чубинишвили, Т. И. Татишвили, О. С. Гамбашидзе, Археологические разведки в южных районах Грузии (Месхети-Джавахети) в 1953—1955 гг., СА, 1957, № 4, рис. 6, Б. А. Куфтин, Арх. маршрут. эксп., табл. XXIX.

ված բրոնզե կացինը (ՊՊԹ 132)։ Սա նույնպես խառնուրդ ձև է, ինչպես նաև Դադաստանի սակրը (էրմիտաժ № 17742), որի կոթառը, սակայն ոչնչով չի տարբերվում երկրորդ տարբերակի սակրերի կոթառից, որի հիմքը բարակ գծային զարդեր ունի, իսկ աշխատանքային բերանը խիստ նեղ է։

Մի շարք ուսումնասիրողներ գտնում են, որ Մեսխեթի—Ջալախեթին ուշ բրոնզեդարյան ժամանակաշրջանում պետք է գտնվեր կոլխիդյան մշակույթի ոլորտում և այստեղից է, որ այդ մշակույթը ներթափանցել է արևելք՝ Հյուսիսային Հայաստանի վրայով²⁷։ Նույնը պետք է ասել հակառակ ուղղությամբ, այն, որ դեռ վաղ բրոնզե ժամանակաշրջանից Հայաստանի հյուսիսը և արդի Վրաստանի հարավը (Գուգարքի հյուսիսային գավառներ), որն ի դեպ, իր աշխարհագրական դիրքով մեկ միասնական շրջան է կազմում, դեպի հյուսիս, Հին Արևելքի մշակույթի փոխանցման օղակ է հանդիսացել²⁸։ Առավել ևս, ուշ բրոնզեդարում, երբ Ալավերդու մետաղաձուլական օջախն իր զարգացման փալլուն շրջանում էր, անկասկած պետք է իր ազդեցությունն ունենար հարեւմտյան շրջանների վրա, նրանց մատակարարելով հումք և պատրաստի արտադրանք։ Արևելա-վրացական սակրերը, որոնք հանդես են գալիս մեծ մասամբ գանձերում, ըստ հնագետ, պատմ. գիտ. դոկտոր Հ. Ա. Մարտիրոսյանի հավաստիացման, թվագրվում են VIII—VII դդ. մ. թ. ա., երբ այլևս բրոնզե սակրերը դուրս էին եկել գործածությունից և գանձերում պահվում էին ձուլման նպատակով։

Դամբարաններից հայտնաբերված սակրերը ժամանակագրական տեսակետից կապվում են Տաշիր-Չորագետի նյութերին, հանդես բերելով արտաքին մանրամասների աննշան տարբերություններ։

Համեմատելով արևելավրացական սակրերը Տաշիր-Չորագետի մետաղագործական օջախի սակրերի հետ, կարելի է նկատել, որ այստեղ առկա են 1-ին և 3-րդ տարբերակները։ Առաջին տարբերակի մեջ է մտնում Սամտավրոյի № 240 դամբարանի սակրը (XIII—XII դդ. մ. թ. ա.²⁹), որն իր կոթառի կառուցվածքով կրկնում է Ախթալայի գանձից և Ալավերդուց (XII դ. մ. թ. ա.) հայտնաբերված նույն տարբերակի մեջ մտնող սակրերին, իսկ աշխատանքային բերանի կառուցվածքով մոտենում է 1-ին խմբի սակրերին, որից նույնպես հայտնաբերվել է Ախթալայի գանձում։ 1-ին տարբերակին է պատկանում նաև Սամտավրոյի № 591 դամբարանի սակրը (XII—IX դդ. մ. թ. ա.)³⁰, որի աշխատանքային բերանը երրորդ խմբի սակրերին է նման, և սա առկա է նաև Ախթալայի գանձում։ Այս սակրը, կոթառի վրա կրում է ուռուցիկ, ուղիղ և կոր, վերևից ներքև իջնող գծային զարդեր, որի նմանը առայժմ հայտնաբերված չէ որևէ հնավայրում։

Ախալքալաքի գանձին պատկանող երկու սակրերը, իրենց կոթառի ձևով մի փոքր մոտենում են 1-ին տարբերակին, այնքանով, որ զուրկ են կոթառի վերին կոճակից, սակայն չեն կարող մտնել այս տարբերակներից որևէ մեկի մեջ։ Այս սակրերի կոթառները զուրկ են մեջտեղի ուռուցիկ երիզից, դրա փո-

²⁷ Т. Н. Чубинишвили, Т. И. Татишвили, О. С. Гамбашидзе, *նշվ. աշխ.*, էջ 118։

²⁸ А. А. Мартиросян, *Армения в эпоху...*, էջ 31—32։

²⁹ Г. А. Ломтатидзе, *Археологические раскопки в Мцхета*, Тбилиси, 1955, табл. VI.

³⁰ Б. Б. Пиотровский, *Археология Закавказья*, табл. V.

խարեն, նրանցից մեկը, որի եզրերի երիզները շարունակվում են նաև վերևում, իր վրա կրում է ուղղահայաց ուղղությամբ փորագրված, մանրիկ եղևնաձև զարդ։ Այս սակրերի աշխատանքային բերանները նեղ են, եզրերը վերջանում են սուր անկյուններով, նման են 2-րդ խմբին։ Բ. Ա. Կուֆտինը ենթադրում է, որ այս սակրերը ժամանակին կարող են գնված լինել Երևանի նահանգից³¹։ Երրորդ տարբերակից են Յխինվալիի (Հարավային Օսեթիա) գանձից հայտնաբերված սակրը³² և քարե կաղապարը, որից ձուլված սակրը պետք է որ նման լինի այս սակրերին և Աղաբեթիի փոքրիկ հմայիլ-սակրը³³, որն իր ձևով կարծես կրկնում է ականջանը։ Երրորդ տարբերակի սակրերը, որոնք Տաշիր-ձորագետյան կացինների հիմքն են կազմում, հավանաբար իրենց ազդեցությունն են տարածել դեպի հյուսիս, հասնելով մինչև Հարավային Օսեթիա։

Այլ տիպ է Կվեմո-Սասիրեթիի գանձից հայտնաբերված սակրը (XIII—X դդ. մ. թ. ա.)³⁴, որն իր ժամանակով, ձևով և գանձի մեջ պարունակող այլ առարկաներով (եղնիկի և թռչնի արձանիկ, դուր, տափակ կացին և այլն), մոտենում է Լճաշեն-արթիկյան ձևերին, համարվելով 5-րդ տարբերակի սակրերից։ Մեխչիս-Փիխեի (Կարսի շրջան) գանձից հայտնաբերված սակրը (X—IX դդ. մ. թ. ա.)³⁵, որի կոթառը զուրկ է եզրերի ուռուցիկ երիզներից, միայն կենտրոնում ունի բարձր կոճակ ու երիզ, գնում է դեպի պարզեցում, աշխատանքային բերանի ձևով կապվելով 1-ին խմբի սակրերին։ Իր ձևով շատ ավելի պարզ է Ռաչայի սակրը, որի կոթառը զուրկ է կոճակից, միայն 2 կողմերում թեթև երիզներ ունի, շատ նման է Վարդաշենի փոքրիկ, պարզ սակրին։

Ինչպես տեսնում ենք, Արևելյան Վրաստանում հայտնաբերված սակրերը, որոնց մեծ մասը կապ ունենա Ալավերդու մետաղածուլական օջախի նյութերի հետ, հասել է մինչև Հարավային Օսեթիա։ Այս ազդեցությունը դեպի հյուսիս կարող էր տեղի ունենալ երկու ուղղությամբ. Ալավերդի, Ախալքալաք, Ախալցխա, Բորժոմ, Գորի։ Մյուս կողմից՝ Ալավերդի, Մցխեթ, այս ձևով շրջանցելով Թրիալեթի (Թոեղք) լեռնաշղթան, մի թևով հասել է հյուսիս-արևելք՝ Լազո-դեխի, մյուսով՝ հյուսիս-արևմուտք՝ Յխինվալի, Ռաչա, Սվանեթի։ Մյուս գիծը՝ դեպի հարավ կարող էր տանել Շիրակի դաշտով դեպի Կարս (Մերս), Կարին և այլն։ Արևելա-վրացական մեզ հայտնի 28 սակրերը, բացի Սամտավրոյի երկու դամբարաններից, հանդես են գալիս բացառապես գանձերում, ուղեկցվելով կոլխիդյան և կոբանյան կացիններին։ Կարելի է ենթադրել, որ այս գավառների կենցաղում բնորոշ չեն եղել սակրերը, նրանք բերվել են արևելքից և կամ նույնությամբ ձուլվել տեղում։ Սակրերի տարածման արևելյան կողմերում մենք այս երևույթը չենք նկատում, նրանք հավանաբար մտած են եղել այստեղի ցեղախմբերի կենցաղի մեջ և ձուլվել Գանձակի ու Լեռնային Ղարաբաղի մետաղագործական օջախներում։ Ա. Ա. Իեսսենը հավանական է գտնում, որ

31 Б. А. Куфтин, *Узловъ ашх.* էջ 20, табл. XV.

32 Նույն տեղում, табл. XIV, նկ. 3.

33 Նույն տեղում, табл. XVI.

34 C. I. Schaeffer, *Stratigraphie comparée et chronologie de l'Aste Occidentale* (III et II mil.), London, 1948, fig. 299.

35 St. Przeworski, *Die Metallindustrie Anatoliens in der Zeit von 1500—700*, Leiden, 1939, табл. III, 5.

Արևելյան Վրաստանում սակրերը կարող են ներմուծված լինել, որոնք ծառայել են որպես գործիք, իսկ «կոբանյան» թեթև կացինները՝ որպես զենք³⁶։

Կոլխիդյան կացինների և Անդրկովկասյան սակրերի համատեղ հանդես գալը զանձերում կամ դամբարաններում, բոլորովին չի նկատվում կենտրոնական Անդրկովկասում։ Արդի Հայաստանում հայտնաբերված են երեք կոլխիդո-կոբանյան կացիններ (Փարաքար, Լենինական, Գոլովինո), որը վկայում է զարգացած բրոնզե դարում տեղի ունեցած փոխանակային կապերի, ինչպես նաև այն մասին, որ Հայաստանը առևտրական կապերի հանգուցակետ էր հանդիսանում շատ վաղ ժամանակներից, շնորհիվ իր աշխարհագրական միջանկյալ դիրքի Արևելքի և Արևմուտքի միջև։ Կոլխիդո-կոբանյան կացինները բնորոշ չեն եղել կենտրոնական Անդրկովկասի համար, կենցաղի մեջ լայն տարածում չեն գտել, նրանք Սև ծովի արևելյան ափերից հասել են մինչև Ուրմիա լիճ, հայկական բարձրավանդակով անցնող մի քանի ուղղություններով³⁷։

Համեմատելով Տաշիր-Ձորագետի սակրերը Գանձակի (Ուտիք) և Լեռնային Ղարաբաղի մեզ ծանոթ սակրերի հետ, կարելի է նկատել, որ ալավերդյան առաջին և երկրորդ տարբերակներն այստեղ բացակայում են, երրորդ տարբերակի սակրեր են հայտնաբերվել Մինգեչաուրի քանդված դամբարանից, Շամքորի շրջանից, Լեռնային Ղարաբաղից (Կիրկիջանի գանձ)³⁸։ Կիրկիջանի գանձի ուշ բրոնզեդարյան 6 սակրերից պահպանվել են միայն 4-ը, որոնցից մեկի կոթառի կոճակը խիստ մաշված է, կենտրոնական բարձրագույն երիզ չունի և վզի մասում՝ փոքրիկ ցցուն շրջանակ։ Մյուս երեքը, թեև հարում են երրորդ տարբերակի սակրերին, սակայն սրանց կոթառի եզրերի երիզները այնքան ուռուցիկ չեն, ինչպես այն տեսնում ենք Տաշիր-Ձորագետյան սակրերի մոտ, երկուսը վզի հիմքում ունեն փոքրիկ ցցուն շրջան, մեկի վրա բարակ գծիկներ են արված։ Մյուս սակրերը, հայտնաբերված Մինգեչաուրի քանդված դամբարանից, Արջաձորի և Ելենենդորֆի № 1 դամբարանաբլրից և Ռեսլերի կողմից Արջաձորում, իրենց ձևերով կապվում են ավելի Սևանի ավազանի և Արթիկյան տիպի կացինների հետ, հանդես բերելով Գանձակ-Ղարաբաղյան և Միսխանայի օջախների փոխազդեցության և տեղական արտադրանքի ինքնուրույն ձևեր։

Ըստ հնարավորին ծանոթանալով մինչև այժմ հայտնաբերված «անդրկովկասյան» սակրերին, կարելի է ասել, որ Հայկական լեռնաշխարհում և նրանից հյուսիս, սակրերի թիվը այժմ հասնում է առավազն 106-ի (եթե նկատի ունենանք նաև Անդրկովկասում հայտնաբերված և Լենինգրադի էրմիտաժում պահվող № 17141 սակրը), իսկ կաղապարներին՝ 4-ի, որոնք հայտնաբերվել են բազմաթիվ հնավայրերից³⁹։ Միայն Հայկական լեռնաշխարհում հայտնաբերված սակրերի թիվը հասնում է 101-ի և 3 կաղապարի, արդի Հայաստանի սակրերը 54-ն են 2 կաղապարով։ Մինչև այժմ հայտնաբերված սակրերի քանակը Ալավերդու մետաղագործական օջախում ավելի մեծ է, քան Հայաստանի և հարևան երկրների մյուս ֆիզիկա-աշխարհագրական շրջաններում։ Այսպես,

³⁶ А. А. Иессен, *Узловое шитье*, т. 2, 159—160.

³⁷ А. А. Мартиросян, *Узловое шитье*, т. 2, 124—127.

³⁸ Асланов, Ваидов, Ионе, *Узловое шитье*, табл. XII, л. 3, И. М. Джафарзаде, Элементы археологической культуры древней Мугани, Изв. АН Аз. ССР, вып. IV, 1946, № 9, Я. И. Гуммель, Раскопки в Нагорно-Карабахской автономной области в 1938 г., Изв. Аз. филиала АН СССР, 1939, № 4, табл. II.

³⁹ Տե՛ս 4-ից սխեման.


օրինակ, Տաշիր-Ձորագետում՝ 21 սակր, Շիրակում՝ 10 և 1 կաղապար, Աղրս-տե-Դեբեդի շրջանում՝ 10, Սևանի շրջանում՝ 9, Արարատյան գոգահովտում՝ 2 սակր և 1 կաղապար, Զանգեզուրում՝ 2, Գանձակում՝ 16 սակր և 1 կաղապար, Լեոնային Ղարաբաղում՝ 8, Հայաստանից հյուսիս ընկած շրջանում, մինչև Կուրի աջ ափը (Ախալքալաք, Ախալցխա, Կվեմո-Սասիրեթի, մինչև Գորի)՝ 19 սակր, որից միայն 14-ը Ախալքալաքի գանձից է, Մցխեթում՝ 2, Հարավային Օսեթիայում և ավելի հյուսիս՝ 5 և 1 կաղապար, Կարսի շրջանում՝ 2:

Ինչպես տեսնում ենք, սակրերի թվով բոլորից հարուստը Տաշիր-Ձորագետն է: Իհարկե, հայտնաբերված հնագիտական նյութերի քանակը կախված է նաև տվյալ շրջանի լավ կամ վատ ուսումնասիրված լինելուց, սակայն պետք է նկատի ունենանք, որ Տաշիր-Ձորագետի շրջանում կանոնավոր պեղումներ չեն կատարվել, նյութերը մեծ մասամբ պատահական են և խնամքով հավաքված ու հիմնավորված չեն: Որոշ մասերում պեղումներ են կատարվել անցյալ դարի վերջերին, որոնք մեծ մասամբ ավելի ուշ՝ երկաթե դարի շրջանի են: Ինչպես տեսնում ենք, այն շրջանները, որոնք ավելի մոտ են գտնվում Տաշիր-Ձորագետին և նրա անմիջական ազդեցությանն են ենթարկվել, սակրերի քանակով անհամեմատ ավելի հարուստ են, քան ավելի հեռավոր շրջանները: Աղստե-Դեբեդի և Սևանի շրջանները, որոնք արևելքից հարևան են Շամքոր-Ղարաբաղյան մետաղագործական կենտրոններին, իսկ արևմուտքից ու հյուսիսից՝ Ալավերդուն, րստ երևույթին կրել են երկու կենտրոնների ազդեցությունը ևս և հարստացրել են իրենց տնտեսությունը մետաղագործական արտադրությամբ: Շիրակի հիմնականում ալդվել է Ալավերդուց և մետաղագործության հիանալի նմուշներ է տվել:

Հետաքրքրական է այն պարագան, որ մետաղագործության այս հարուստ շրջանում չեն հանդիպում այնպիսի եզակի սակրեր, ինչպիսիք մենք տեսնում ենք Արթիկի, Լճաշենի, Իջևանի, Խանլարի դամբարաններում: Ըստ երևույթին սա բացատրվում է նրանով, որ Տաշիր-Ձորագետի շրջանը արտադրության կենտրոն լինելով, բավարարվում էր իր իսկ արտադրությամբ, չէր ներմուծում, այլ արտադրում էր ավելի մասսայական ձևով, փոխանակության համար, որի հետևանքով էլ այդպիսի ուրույն ձևեր Ալավերդու մետաղագործական օջախում բացակայում են:

Այսպիսով, բրոնզե սակրերն ուշ բրոնզեդարում խիստ տարածված են եղել Հայկական լեռնաշխարհում, հանդիսացել են տեղական արտադրանք, բնորոշ աշխարհագրական այս միջավայրին:

Սակրերի արտադրության ամենախոշոր կենտրոններից է եղել Ալավերդու մետաղագործական օջախը, որն իր ազդեցությունն է ունեցել հարևան շրջանների վրա, պատրաստի սակրերի և հումքի արտահանման տեսակետից: Սակրերն օգտագործվել են որպես զենք և որպես շատ կարևոր գործիք փայտամշակության տարբեր աշխատանքներ կատարելու համար:



Սակրերի տարածման սխեման